

HSET II TIMÔTHÊ

Bàu bòch hmàih

¹ Au kô Phaulô, tiaq manoh Boc Plình thê broq mangai Tiaq cla da Chuaq Jesus Christ, ðòeq hu lam anoe bàu kan rih ma khoe tèu am enh dalam ka Chuaq Jesus Christ,

² achìh ka Timôthê, aih kon au ma ha-och dèh ðìq jaq: Waiq ðòq kon jah kan tabàih dech, kan loq waq, kan catèm enh Boc Plình, aih Baq, xam enh Jesus Christ aih Chuaq da bèn.

³ Au manè apôi dèh Boc Plình au ma patìh xi manoh hliang lem qmang ka qnhòng boc yaq au khoe broq, xam dahì xam damang au ùh hêq ka hmàng trùh kon jò au waiq khàn.

⁴ Majah qmang aih au hmàng qmòe ka diac mat kon, enh toq lam hmàih ka kon, ðòeq manoh cliac au jah lem bùi.

⁵ Au hadai hmàng trùh manoh lùì joq qnàng da kon, aih manoh lùì nèh haq khoe oe ta Lo-it, yaq apah miq da kon xam enh dalam Ônit, aih miq da kon, au loq manòeq kô joq qnàng haq hadai oe ta dalam kon.

⁶ Taiq aih au majah pariaq kon trùt hlài bài kan tabàih Boc Plình khoe am, kon ma khoe jah jò canòm ka au roh tì enh qnhèq chac kon.

⁷ Majah qmang aih Boc Plình ùh i am ka bèn manoh toq crè camaih ka raðeh, mahaq am ka bèn manoh hagau haghình, kan loq waq, kan loq bàt raðeh.

⁸ Qmang aih, kon apaq camaih ka ep anoe trùh Chuaq, hadai apaq yôc nen wì khoe rùp clêh au hu camaih, mahaq ep canòm ka cwiàng itai Boc Plinh òòeq hu wiàng chiùq xalep ti Bàu lem.

⁹ Boc Plinh khoe dèch bèn, khoe yôc kan hadròeh hu creò ka bèn, ùh xài tiaq bài biàc broq da bèn, mahaq tiaq manoh cla haq ma khoe òi dèh, tiaq kan tabàih haq khoe am ka bèn enh dalam ka Chuaq Jesus Christ enh calah calinh nèh raq,

¹⁰ trùh manòeq kô men ja paqnoh canòm ajang Jesus Christ aih Chuaq dèch bèn loh crông taneh, haq khoe raliàng đac kan cachit, yôc Bàu lem hu aràng kan rìh xam kan ùh cachit hòm loh taqngah.

¹¹ Taiq Bàu lem aih au ma khoe jah òi òòeq broq mangai lam bahà, mangai Tiaq cla, hloe xam mangai hnài,

¹² aih òi dàl au majah chiùq xalep. Mahaq au ùh xep, majah qmang aih au loq òeh khoe lùl cabô, au loq òeh jôq qnàng haq aih i cwiàng wèq òi dōng rìm yiniq au ma khoe jao trùh ta hì aih.

¹³ Drah ep yôc manoh lùl xam kan loq waq enh dalam ka Chuaq Jesus Christ òòeq hu wèq tiaq dua bài bàu hnài jôq qnàng, kon khoe jah tamàng enh au.

¹⁴ Ep canòm ka Yiang Hadròeh qnang oe enh dalam bèn òòeq wèq bài yiniq lem ma khoe jao ka kon.

¹⁵ Kon loq wì ma oe ta crông Asia khoe cađac au, ta aih i Phigen xam Hetmôghen.

¹⁶ Waiq Chuaq tamèt ka hnim da Ônêsi-phôro, majah qmang aih haq khoe bàc yàng alòng au, ùh hìaq camaih yac ka hnoq wì rùp kàt au.

¹⁷ Èh hòim, jò bu trùh ta Rôma, haq khoe drah chaq waq qmòe ka hnoq au.

¹⁸ Waiq Chuaq am ka haq jah hnoq kan tamèt da Chuaq ta hì aih èh! Kon loq ùh hnau ka mangai qnoeq, jò oe ta Êphêsô haq aih khoe patìh ka au rìm yiniq.

2

Kan salep da mangai patìh ka Chuaq

¹ Qmang aih, kon ep canòm kan tabàih enh dalam ka Chuaq Jesus Christ òeoeq broq ka raðeh tadêh.

² Bàì yiniq cleq kon khoe tàng ajang au enh ngèa bàc ngai wiang hnoq, kon jao hlài ka bàì mangai ùh ta blòq manoh cliac, hadai rabiaq ka loq hnài mangai qnoeq.

³ Drah wiang chiùq xalep ti au qmang ka mangai lình ma tanoq da Chuaq Jesus Christ.

⁴ Jò mangai lình lam tajêh, aih pì dôq bàì yiniq ta qnhòng kô broq ka raðeh tawac, haq broq qmang aih òeoeq lem manoh mangai ma creoe ka raðeh.

⁵ Hanoh qmang aih, mangai cadàu tacadêh tanòe cadàu, ep cadàu troq tiaq dèh ranenh aih èh men jah waq cadoh da mangai blêq.

⁶ Mangai abèq ruàng ep xalep adroe òeq, men jah gat.

⁷ Ep hèm ma tem bàu au ma anoe ka kon, èh cla Chuaq men am ka kon kan rabiaq ta rìm yiniq.

⁸ Ep hmàng rameh Chuaq Jesus Christ, ha-uang loh enh nang noe bùa Đawit, khoe rìh hlài enh mangai cachit, tiaq Bàu lem da au ma hnài.

⁹ Taiq Bàu lem aih dài au majah ep xalep, ra-ùng haq wì kàt au tìah qmòe ka mangai broq trong dù, mahaq bàu da Boc Plình ùh i cabô jah kàt.

¹⁰ Aih iq dài au majah chiùq dồng rìm yiniq am ka bài mangai ma khoe jah raih, dōq wì haq hadai jah dèch enh dalam ka Chuaq Jesus Christ hloe xam kan ranhòm mōeq đòe.

¹¹ Bàu kô cajap joq qnàng:

“Tàng joq bèn cachìt ti haq,
Aih èh bèn hadai rìh ti haq.

¹² Tàng joq bèn hlàt chiùq qnhro
Aih èh bèn hadai jah wèq cwìang ti haq,
Tàng bèn hangah đac ka haq
Aih èh Haq hadai hangah đac chau ka bèn.

¹³ Tàng bèn loq tablòq manoh
Haq dua ùh tablòq manoh, majah qmang aih haq
aclai ka rađeh ùh jah.”

¹⁴ Kô bài yiniq kon ma ep bahmàng rai hnài enh ngèa Boc Plình: ep wia ka hangai kan tarahen trong bàu capoch, trong aih ùh i jah cleq, haño toq ka mangai ma tàng đeh.

¹⁵ Drah đìq jaq loq àu đòeq hujah lem ka manoh Boc Plình qmang ka mangai patìh lem geo, yǒc manoh hnhuh jang hu hnài bàu joq qnàng.

¹⁶ Mahaq ep cađac bài bàu capoch lech loq, majah qmang aih bài mangai capoch trong aih rai èh rai pì qnì iu yùq Boc Plình,

¹⁷ bàu wì haq lènh tìah ka ra-om habau. Ta aih i Himênê xam Philêt,

¹⁸ wì khoe cađac trong joq qnàng, wì doe kan rìh hlài khoe trùh, wì haq raliang đac manoh lùì da qnah ngai qmang aih.

¹⁹ Mahaq xèm cajap da Boc Plình ma broq dèh dua oe raq ùh i tachriah, i bàu parit qmang kô: “Chuaq loq dèh mangai da haq”, qnah hòmh: “Mangai leq ma creo dang ka Chuaq, ep wia ka trong dù.”

²⁰ Oe ta hnim kàn, ùh xài i toq bài cabi wang cabi bac, mahaq hadai i tang qnah broq xi long xi taneh, qnah aih palauq hu tah hang canaq, qnah aih palauq hu tah hang hwòt hwat.

²¹ Aih èh cabô loq wèq rađeh claih ka bài trong qmèq qmang aih, haq jah tìah qmang ka cabi lem, jah basròeh, i lòeq ka cla wì craq, jò leq jò meh toq padon broq yiniq lem.

²² Hadai ep wia trong mangai radam ma enh, ðòeq hu ti chaq trong taq atoq, manoh lùì, loq waq, ti chaq hatroq ti bài mangai yòc manoh hliang creo dang ka Chuaq.

²³ Apa q taqmùt ka bàu tarahen blùng ratùt, majah qmang aih haq loh toq kan talech.

²⁴ Mangai hapõng da Chuaq apaq enh ka trong tajênh: mahaq ep acaq oe ma laq alàng ti rìm ngai, loq hnài, ùh hiaq loq hònh,

²⁵ yòc kan tabat ðòeq hu bàt hnài bài mangai ma enh tablêq, ngèh ka Boc Plình am ka wì haq kan loq raxach ðòeq canau loq trong joq qnàng,

²⁶ èh wì jah clang ðòeq hu doeh rađeh claih ka hlàm kan kiac, majah qmang aih kiac khoe rùp padit ðòeq thê wì broq tiaq manoh haq.

3

¹ Mahaq ep loq qmang kô, oe ta hì atìq lùch kô èh i bàc jò nanxa.

² Majah qmang aih kon mangai wì loq waq toq ka rađeh, loq waq toq ka ðac jènh, toq panhòm, ratauq, capoch qmèq, ùh iu miq baq, ùh qnì manè cabô, ùh rìh tiaq manoh Boc Plình,

³ ùh ha-och, xa ka hatroq, capoch cheo, ùh loq palap, ngang dù, git ka mangai broq lem,

⁴ gôpla, loq nòeh, padèch toq rađeh, enh toq trong pagôq ta qnhòng kô yi hnao ka loq waq ka Boc Plình,

⁵ enh gùng aih broq deh wèq tiaq trong lem, yàng enh dalam aih wì cađac cwìang itai da trong lem aih. Bài mangai qmang aih kon wia ma hangai haq.

⁶ Ta wì aih i ngai ti achop mùt da wì ta hnim, ti padô alúan bài mangai gucadrì ùh wia cleq bài mangai ma bình bauq toq yiniq lui, bài mangai khoe dōq kan qmèq qnung rađeh,

⁷ yac ka hōc yōt mahaq dua ùh loq ka bàu joq qnàng.

⁸ Calah nèh Ja-net, xam Jambe tablêq ka Môise dāng leq, bài wì kô hadai tablêq ka bàu joq qnàng dāng aih: gàu ngoc wì haq khoe om ech, manoh lùì wì haq khoe pì dràng qnhro.

⁹ Mahaq wì pì broq jah tam pang leq hòm, majah qmang aih kô èh kan ratùt da wì haq rìm ngai jah hnoq dōng tìah ka da wa tau diq.

¹⁰ Mahaq da kon aih, kon khoe tiaq dua bàu au hnài, tiaq dua rìh acaq, manoh enh, manoh lùì, loq kêm, ùh tagah lep ka trong loq ha-och da au,

¹¹ bài kan khech rùp, nanxa ma khoe trùh ka au ta Antiôt ta Ycôni ta Lit-tro. Bài kan khech rùp aih au chiuq dīq dōng mahaq Chuaq khoe dèch paclaih au yōt.

¹² Ma joq qnàng aih, rìm ngai enh rìh lem alàng enh dalam ka Chuaq Jesus Christ, dìq ep glàm kan khech rùp baxa.

¹³ Mahaq bài mangai ngang, mangai patiah toq enh gùng kiang rai èh rai cram ta kan dù, ti qnùt mangai qnoeq èh qnùt hloe xam cla.

Bàu pariaq Timôthê

¹⁴ Da kon hòm, ep yòng ma cajap ta bài yiniq kon ma khoe hóc, ma khoe lùl dèh joq qnàng, majah qmang aih kon loq đeh khoe hóc bài yiniq aih ajang cabô,

¹⁵ qnah hòm, patep enh oe nga kon khoe loq ka Hset Hadròeh jah broq ka kon rabiaq òòeq jah dèch claih xi manoh lùl enh dalam ka Chuaq Jesus Christ.

¹⁶ Dìq ka Hset Hadròeh aih dìq jah Boc Plình hi hèm qmùt, i lòeq òòeq hu hnài, gùt bàt, ti palauq, hnài mangai trong taq atòq.

¹⁷ Dòq mangai da Boc Plình jah geo gua, jah padon òòeq hu broq bài yiniq lem.

4

¹ Au yòng enh ngèa ka Boc Plình xam Chuaq Jesus Christ aih Mangai ma hu hadrah mangai rìh xam mangai cachit, jò haq trùh xam diac da haq, au tanap thê kon:

² Ep anoe hnài bàu Chuaq, ti àu pariaq, yac ka glàm jò yac ka ùh glàm jò, yóc manoh kềm òòeq hu gùt bàt, ti padô alòng, tagàih lech, apaq hêq ka hnài.

³ Majah qmang aih i jò wì ma ùh enh tamàng trong lem, mahaq wì enh toq ti tamàng bàu jiang

ka tàng, tiaq kan ònh dèh cla ònèq hu ti tagop bài mangai hnài dudan ka rađeh,

⁴ bằng don ùh tamàng bàu joq qnàng, mahaq ti tamàng bàu ùh i qmòe ka rinh.

⁵ Mahaq kon ep loq palap rìm trong, chiùq xalep ònèq broq bìac da mangai hnài Bàu lem, rìm yiniq kon ma patih kon ep broq waq ka gêh geo.

⁶ Majah qmang aih au khoe ten ta-ùc broq diac lố, hì cachit da au trùh khoe ten.

⁷ Au tajêh khoe geo, au cadâu khoe gêh, khoe wèq dèh manoh lùì.

⁸ Manòeq kô cadoh da kan taq atoq khoe taqmroq ònèq ka au, Chuaq aih mangai hadrah taq atoq hì aih èh hì am ka au, ùh xài toq ka au hì hêq mahaq hadai am ka bài mangai ma khoe òi q ka manoh ngèh gòm haq trùh.

⁹ Drah haqnan trùh ta au ma rênh haq,

¹⁰ majah qmang aih Đêma khoe cadac au, taiq haq ònh ka qnhòng kô, haq khoe lam ta Têsalônica. Coretxen khoe lam ta Galati, Tit khoe lam tagùng Đamati.

¹¹ Toq Luca raq ma oe ti au. Ajèn Mốc lam ti kon, majah qmang aih haq aih i lòeq ka au haq jah wiang patih ka au bàc trong.

¹² Au khoe thê Tichico tồc ta Êphêsô.

¹³ Jò kon trùh hmàng wê da au eo ma caxùnh enh gùng, au ma ònèq ta hnìm Cabut oe ta Trô-ach, hloe xam bài hset, ta aih bài hset broq xi akia aih yeo nhét.

¹⁴ Alecxandô, thòq ðùng, haq aih ti broq haôo ka au bàc joq qnàng, mahaq tiaq tang yiniq haq khoe broq, i Chuaq patem hlài da haq.

¹⁵ Kon hadai ep hmàng hamang ngan haq aih, majah qmang aih mangai aih dìq cajaq enh tablêq ka bèn.

¹⁶ Jò au capoch cwaih rađeh yàng ma adroe, ùh i mangai leq wiang ti au, wì cađac đồng au. Waiq bài yiniq lui aih apaq ta-ùc ka wì haq!

¹⁷ Mahaq Chuaq khoe yòng ti au rai tah tam ka au padren, ðòeq canòm ajang aih raq Bàu lem hu jah anoe ka gêh ðòeq mangai diac wì dìq jah tàng, au hadai khoe jah claih enh kiang baco.

¹⁸ Chuaq hadai jah doeh au claih ka trong dù rai dèch au tọc ta diac plình da haq. Waiq kan ranhòm hlài dìq ta Chuaq mòeq ðòe ùh lùch! Amen.

¹⁹ Au tanap bàu hangah hmàih ka Bôrica xam Aquila, hloe xam bài mangai oe ta hnim Ônêsiphôra.

²⁰ Êrat haq oe hlài Côrintô, Trôphim qnang ùh hróc au dôi haq oe ta hlài ta Milê.

²¹ Kon àu dìq qmòe cajaq ðòeq jah trùh tacô adroe ka ralim oq! Ôbulu, Buđen, Linut, Claudiã xam oh daq dìq tanap bàu hmàih trùh kon.

²² Waiq Chuaq oe ti mahua yiang kon! Waiq kan tabàih oe dìq ti oh daq!

Hset Hadròeh

The New Testament in the Hre language of Vietnam, translated by Baq Thi

Copyright © 2024 Baq Thi

Language: (Hre)

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-23

PDF generated using Haiola and XeLaTeX on 26 Jul 2025 from source files dated 23 Jul 2025

03fbbc53-13cb-5444-945a-741163b0252d